

中國方志叢書·華中地方·第八三五號

據

清·陳澧等修，鄧燾等纂  
清康熙二十一年刊本

影印

江 西 省

# 浮梁縣志

(三)

成文出版社有限公司印行

中華民國七十八年三月臺一版

# 浮梁縣志

共三冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二一九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

浮梁縣志卷之七

人物志

山壯靈異毓秀在人浮梁自設縣以來名德如林雖學問之功而形勝要矣若夫不產茲土者不敢濫附覽古鏡今足動觀感志人物

忠貞

李澗字仲行宋政和間進士教授信州累官司封員外郎郎中上言選法以人才困於資格選法壞于因循延訪汲引刻弊殆盡朝廷是之權吏部侍郎使金後逃

歸歷秦隴川蜀述山川關寨以備他日屯守上慰勞之  
官終正議大夫敷文閣待制封開國侯

金從龍字誠之嘉定間進士知涪州樂溫時金兵破蜀潰  
將王全者擁兵入境從龍任供餉留戍守旣半載屬歲  
旱度其經賦不能辨請于朝和糴以餉兵又以其餘賑  
饑民邑賴以全魏了翁西歸見邑獨存大加稱賞奏改  
秩知瀘州約溪兼權通判未幾寇大入力不能支竟死  
之事聞朝廷贈官且蔭其子

甯時鳳字祥夫嘉定甲戌進士授蘄黃簿就辟爲令辛巳

金兵圍斬急守卒誠之曰誰能共守諸僚屬不應獨時  
鳳曰見危授命臣子大節臨難而免吾不忍爲金人入  
城卒死之

汪沆字濟遠澈之兄也少有奇志靖康間敵圍汴梁結盟  
而去沆時爲太學士逆知敵必渝盟扣關上書極論求  
才練兵爲守禦計不報明年敵人再至沆以書抵粘罕  
陳內外大義用兵利害遂東歸遇李綱又投書有言不  
足慮實深可慮者四綱聽之竟憤惋而卒

張子明福義都舖席人明太祖初得南昌子明以千戶同

朱文正守之陳友諒憤其疆土日促空國而來號六十萬圍城既久援兵不至內外阻絕文正遣子明赴建康告急子明至建康上問友諒兵勢何如子明對曰友諒兵雖盛而戰鬪死者亦不少今江水日涸巨艦將不利若援兵至可必破矣上曰汝歸語文正等但堅守一月吾當自取之子明還爲友諒所執友諒曰若能誘城降非但不死且得富貴子明佯許之至城下呼曰吾已見主上令諸公堅守大軍且至友諒怒攢撾刺之友諒已平詔立忠臣祠于南昌祀之追封忠烈侯世襲浙江某

張榮由承差爲大冶縣典史流氓侵境致榮與其子俱  
戰死當道憫之祀其縣名宦祠

徐明揚字宗允爲文純雅持躬端潔以選貢授山西平順  
知縣平順因山爲城地僻民貧明揚抵任勸農課士革  
火耗嚴胥役緩征息訟民咸戴之崇禎六年流寇至議  
者曰葺爾孤城無與爲守曷權宜就郡可乎明揚曰吾  
爲朝廷守土設不虞惟有死耳設法守禦寇初不能克  
後賊衆力不支城破被執罵賊而死聞者咸哀痛焉其

子曰起賊繫之營數月旣而曰忠臣之子也縱之歸  
論曰良臣忠臣千古同美浮以忠貞著者奉使則持節不  
屈建言則險難不懼捐軀殉難視死如歸千載下凜凜  
有生氣焉

名臣

金鼎臣字希尹與弟金汝臣俱有文名景德天聖間相繼  
登進士歷任中外以文章爲已任終昭信節度掌書記  
臧幾道字公恕與弟論道並有文名天聖景祐間相繼登  
進士以功業自奮終陳留尉

王仲舒字茂先慶曆間進士歷越州推官池州軍判攝彭澤縣移宿州推官處煩治劇有能名用刑矜恤多所雪活包拯薦遷昭武節度推官再遷太子中允賜五品服以疾辭熙寧歲饑勸分給食民有不之有司而之仲舒者累遷朝奉大夫著有野人集

金君卿字正叔淹貫百家下筆頃刻千百言有文名景祐中范仲淹守饒延爲子弟師登慶曆壬午進士官至度支郎中擅能譽嘗著易箋有文集

程節字信叔性剛嚴多才能嘗以將畧自負嘉祐進士歷

贊帥闕熙寧間朝廷有事南方節曰示以威不若懷之以德乃單騎銜命撫諭諸蠻各部款伏上語出時中曰程節真奇才也遷廣西運使帥桂府甚得蠻情雖交趾亦曰天子使老臣撫我邊鄙我小國豈敢自玉天討貢賦不絕詔進寶文閣待制著有竹溪集子降字欽之亦有將才節卒蠻反側廷議以隣代其職蠻帖服如初進徽猷閣待制

程筠字公節弟嘉祐進士授縣令持新法方其為縣時諫臣蹇受之等其不侵神宗爲之出客進知陳

近帝畿錫均田賦平徭役不避權勢戚里訴之太后曰  
錫廉吏吾可撓其政耶擢吏部郎中知真州蘇軾有詩  
美之載藝文

史觀字守易仁壽人行端學博工詩文熙寧間進士爲司  
農主簿王安石薦其才神宗召對與論詩悅之擢兵部  
郎中太平通判時以議新法不合退而授徒講學遠近  
學者翕然宗之號江東夫子所著有易傳春秋發微并  
詩十九卷

李轍字邊道崇寧間進士歷吉安雲臺尉遷知巴陵巴俗

薄惡父子異居輒躬示孝悌俗遂變改湖口調繁昌時  
國步艱難民力凋瘵煦煦撫循惟恐不及嘗歲歉稱貸  
以給饑民每郡調苛急多沮格以身當之卒于官民悼  
而祠之

汪天任字莘老大觀己丑進士歷官知汀州時方行王安  
石字說天任獨守六經不變所著有易說語孟新意

鮑昱字李明家貧苦節未嘗以色下人登政和進士歷教  
辰州荆南洪州宰祁門通判融州時軍務叢脞帑庾匱  
竭昱攝州事嚴奸貪謹出入用日以饒久之州益無事

南東路安撫制

南東路安撫制

置司察議有定方每不爲計議  
行安國孫升之俱登進士第

程達字彥通性嗜學老而彌篤窮經史百家登政和乙未  
進士入官輒乞祠創鄉學樂于教人多所成就所著有  
易解語孟直解五經解題

程瑀字伯寓先居也東程山遷午巷龍潭隨姑姓臧氏宣  
和末年由上舍釋褐第一授太學博士改較書郎爲臧  
氏父母服服闋除兵部員外郎引法歸宗金人入侵欽

宗議割三鎮假瑀戶部侍郎河東幹當使奏臣願奉使  
不願割地不報使金還除左正言上言股肱大臣莫肯  
以身任天下事欲慕祖宗而適追無術欲斥奄宦而寵  
任益堅欲鋤姦惡而薄示典刑欲汰濫繆而苟容僥倖  
兼聽而不能行其言委任而不能責其效苟且之習復  
成黨與之私寢廣時病之帝曰朕非不知此慮有未盡  
決意行之有失耳瑀曰事固當熟慮然優柔不斷實隳  
事功李綱宣撫兩路帝問外議謂何對曰貪以謂宜時  
御史李光言星變帝問瑀對言陛下毋問有無第正事

修德則變異可消瑀常論蔡京罪帝因言吳敏庶亦又  
疑光黨京謂瑀曰須卿作文字來瑀辭忤旨改屯田郎  
官謫添監漳州鹽稅高宗卽位召爲司封員外郎遷光  
祿少卿國子司業請祠主管亳州明道宮尋召赴行在  
疏十事以獻除直秘閣提點江東刑獄召爲太常少卿  
遷給事中兼侍講時創建修政局瑀條上十四事皆切  
時務權邦彥除僉書樞密院瑀言邦彥五罪疏三上不  
報求罷除兵部侍郎不拜以敷文閣待制知信州監諫  
皆言瑀不可去復以爲給事中外之復命知信州胡安

國劉一正言瑀忠信可以備獻納正直可以司風憲不宜去遂復留呂頤浩薦席益既得旨以御批示後省官瑀曰益爲人公豈不知何必用頤浩曰給事不見御批耶瑀曰已見矣公不能執奏乃先示瑀革欲使不敢論駁耶然益之來非公福也頤浩赧然卽劾益未幾以言者罷提舉亳州明道宮尋復徽猷閣待制知撫州無何提舉江州太平興國宮古父母喪服除知嚴州徙宣州復奉祠俄召赴行在除工部侍郎兼侍讀尋遷翊善論金人入侵未嘗一大劄有輕我心豈可保其不背盟宜

省費抑末常賦外一毫不取於民民日益厚兵日益強  
使金人不敢窺爲長計帝曰且作十年瑀再拜曰十年  
之說願陛下早夜毋忘除兵部尙書檜旣主和瑀議論  
不合檜忌之改龍圖閣學士知信州會大水檜見瑀奏  
牘謂同列曰堯之洪水不至如是瑀遂稱疾提舉江州  
太平興國宮進封廣平郡開國侯坐通書李光降門議  
大夫卒年六十六疾革喟然歎曰大恩未報中原雖戴  
宋朱免玩愒恢復之期非日月可異言訖而瞑瑀忤檜  
免檜死瑀子孫乃免錮云所著有奏議六卷周禮義尙